

Na osnovu člana 35. , a u vezi sa članom 38. Zakona o budžetima u Federaciji Bosne i Hercegovine ("Sl. novine Federacije BiH" br. 102/13, 9/14 i 13/14) i člana 29. stav 4. Statuta Zavoda zdravstvenog osiguranja i reosiguranja Federacije Bosne i Hercegovine ("Sl. novine Federacije BiH" br. 69/05), Upravni odbor Zavoda zdravstvenog osiguranja i reosiguranja Federacije Bosne i Hercegovine, na 30. sjednici održanoj dana 19.12.2014. godine, donosi

**O D L U K U**  
**o privremenom finansiranju Zavoda zdravstvenog osiguranja**  
**i reosiguranja Federacije Bosne i Hercegovine**  
**za period 01.01 - 31.03.2015. godine**

**I**

Ovom Odlukom utvrđuje se privremeno finansiranje djelatnosti Zavoda zdravstvenog osiguranja i reosiguranja Federacije Bosne i Hercegovine za period od 01.01.2015. godine do usvajanja Finansijskog plana za 2015. godinu na Parlamentu Federacije Bosne i Hercegovine, a najduže do 31.03.2015. godine.

**II**

Privremeno finansiranje iz tačke I ove Odluke utvrđuje se najviše do visine tromjesečnog prosjeka utrošenih sredstava za 2014. godinu u ukupnom iznosu od 36.850.000 KM.

**III**

Privremeno finansiranje u periodu od 01.01 - 31.03.2015. godine, u skladu sa tačkom II ove Odluke, sastoji se od:

1. zdravstvenih usluga i programa koji se finansiraju iz sredstava fonda solidarnosti Federacije Bosne i Hercegovine u ukupnom iznosu od 36.000.000 KM, za koje se sredstva obezbjeđuju iz doprinosa i ostalih prihoda u iznosu od 36.000.000 KM,
2. zdravstvene zaštite detaširanih radnika u iznosu od 250.000 KM za koje se sredstva obezbjeđuju iz doprinosa za zdravstvenu zaštitu detaširanih radnika u inostranstvu,
3. izdataka Stručne službe Zavoda zdravstvenog osiguranja i reosiguranja.FBiH u iznosu od 600.000 KM za koje se sredstva obezbjeđuju iz doprinosa za zdravstveno osiguranje.

**IV**

U periodu privremenog finansiranja 01.01.-31.03.2015. godine, u Zavodu zdravstvenog osiguranja i reosiguranja Federacije BiH neće se uvoditi novi kao ni

proširivati postojeći programi i aktivnosti, niti vršiti prijem novih zaposlenika u odnosu na broj uposlenika na dan 31.12.2014. godine.

## V

Za izvršenje ove Odluke obavezuje se direktor Zavoda zdravstvenog osiguranja i reosiguranja Federacije Bosne i Hercegovine.

## VI

Ova odluka stupa na snagu danom donošenja, a primjenjivaće se od 01. januara 2015. godine.

Broj: 02/IV-01-1-3234-3/14

Predsjednik Upravnog odbora

Sarajevo, 19.12.2014. godine

Snježana Bodnaruk, dipl. pravnik

**Obrazloženje**  
**Odluke o privremenom finansiranju Zavoda zdravstvenog osiguranja i**  
**reosiguranja Federacije Bosne i Hercegovine**  
**za period 01.01. - 31.03.2015. godine**

Saglasno odredbama člana 35. Zakona o budžetima u Federaciji Bosne i Hercegovine ("Sl. novine Federacije BiH", br. 102/13), donosi se Odluka o privremenom finansiranju Zavoda zdravstvenog osiguranja i reosiguranja Federacije Bosne i Hercegovine, za period od 01.01. do usvajanja Finansijskog plana Zavoda zdravstvenog osiguranja i reosiguranja Federacije Bosne i Hercegovine na Parlamentu Federacije Bosne i Hercegovine, a najduže do 31.03.2015. godine.

Vlada Federacije Bosne i Hercegovine usvojila je Finansijski plan Zavoda zdravstvenog osiguranja i reosiguranja Federacije Bosne i Hercegovine na sjednici Vlade Federacije Bosne i Hercegovine održanoj 29.10.2014. godine (Odluka Vlade Federacije BiH, br.1903/2014 od 29.10.2014. godine) i isti je uputila Parlamentu Federacije Bosne i Hercegovine.

Obzirom da Parlament Federacije Bosne i Hercegovine nije razmatrao Finansijski plan Zavoda zdravstvenog osiguranja i reosiguranja Federacije Bosne i Hercegovine, za 2015. godinu prije početka fiskalne 2015. godine, finansiranje će se obavljati privremeno, a najduže za prva tri mjeseca 2015. godine.

Privremeno finansiranje se utvrđuje najviše do visine tromjesečnog prosjeka utrošenih sredstava u 2014. godini. Sredstvima utvrđenim za privremeno finansiranje u navedenom periodu neće se finansirati i uvoditi novi programi i aktivnosti iz djelatnosti Zavoda zdravstvenog osiguranja i reosiguranja Federacije Bosne i Hercegovine, niti vršiti prijem novih zaposlenika.

Stručna služba Zavoda